

**Aralin 20 Ang Epekto ng Kasalanan sa Kalikasan**  
**Ang Epekto ng Kasalanan**



Dumami na ang tao sa mundo. Nakita ng Panginoon ang labis na kasamaan ng tao sa daigdig. Ang bawat hilig ng puso ng tao ay kasamaan sa lahat ng panahon.

Ang Diyos ay labis na nagdalamhati sa tao na Kanyang nilalang. Ang Kanyang puso ay napuno ng pighati.

Sinabi ng Diyos na wawasakin Niya ang sangkatauhan pati mga hayop na gumagalaw sa lupa at mga ibon sa himpapawid sa pamamagitan ng malaking baha. Dahil sa matinding kasamaan ng tao ay sinira ng Diyos ang kalikasan na Kanyang nilikha.

**Activity** Isulat kung Tama o Mali ang pangungusap.

- \_\_\_\_\_ 1. Ang bawat hilig ng puso ng tao ay kasamaan.
- \_\_\_\_\_ 2. Nagpadala ang Diyos ng kaunting ulan upang mawasak ang mundo.
- \_\_\_\_\_ 3. Ang mabuti ay ang nagbibigay kasiyahan sa Diyos.

**Homework:** (Magpatulong sa Magulang)

Isulat sa patlang kung ano ang magiging epekto ng mga sumusunod na maling gawain:

**MALING GAWAIN**

- |                                       |          |
|---------------------------------------|----------|
| 1. paggamit ng dinamita sa pangingsda | 1. _____ |
| 2. pagkalbo ng mga kabundukan         | 2. _____ |
| 3. pagtapon ng basura sa ilog o kanal | 3. _____ |


**EPEKTO**

# LAMBAT

## PRIMARY 1

**Aralin 1 Ang Diyos ang Ating Manlilikha**

**Ang Paglilikha**



**Activity** Kailan nilikha ang mga sumusunod? Isulat ang tamang numero ng araw sa patlang.

kalangitan _____	buwan _____	araw at gabi _____
ibon _____	lupain _____	halaman _____
araw _____	mga hayop _____	mga bituin _____
karagatan _____	mga isda _____	Adan at Eba _____

**Homework:** (Magpatulong sa magulang)

Gumuhit sa isang malinis na papel ang iyong paboritong nilikha ng Diyos mula sa ating kuwento at kulayan ito.

## Aralin 2 Ang Diyos ang Ating Tagapagligtas

### Ang Barko ni Noah



Si Noah ay isang tao na napakalapit sa Diyos. Siya na lang ang natitirang tao na sumusunod sa utos ng Diyos. Inutusan ng Diyos si Noah na gumawa ng malaking barko na may maraming silid. Sinabi Niyang magpapadala Siya ng malaking baha dahil sa kasamaan ng mga tao.

Nang matapos ang arko, pinapasok ng Diyos si Noah, ang kanyang asawa at kanyang mga anak na sina Ham, Sem at Jafet at kani-kanilang asawa sa loob ng arko. Inutos din ng Diyos kay Noah na magsama ng mga pares ng lahat ng klase ng hayop at mga ibon. Sila lang ang maliligtas sa malaking baha.

Umulan nang umulan hanggang sa tumaas nang tumaas ang tubig sa loob ng 40 araw at gabi.

Ang mga bahay at bundok ay lumubog. Ang mga tao at mga hayop sa labas ng arko ay nalunod at namatay.

**Activity** Bilugan ang letra ng tamang sagot.

- Inutusan siya ng Diyos na gumawa ng malaking barko
  - Nehemiah
  - Nestor
  - Noah
- Sumakay sina Noah sa isang malaking
  - Isda
  - Ibon
  - Barko
- Siya ang nagligtas kina Noah sa malaking baha
  - Superman
  - Diyos
  - Batman

**Homework:** (Magpatulong sa magulang)

Mag-drawing ng isang malaking arko sa isang malinis na papel. Isulat sa loob ng arko kung sino-sino ang mga nakasama at naligtas sa malaking baha. Gamitin ang kuwento ng Aralin 2.

## Aralin 19 Ang Kalikasang Maayos at Maganda

### Purihin ang Diyos

Ang mga ibon sa himpapawid ay nagpupugad  
Sa tabi ng mga tubig;  
Umaawit sila sa mga sanga ng kahoy.  
Kaydami ng Iyong ginawa, Panginoon!  
Sa Iyong karunungan ay ginawa Mo ang lahat.



Ang daigdig ay puno ng mga nilikha Mo.  
Nariyan ang dagat, maluwang at malawak,  
Punong-puno ng mga nilikhang hindi mabibilang  
Mga bagay na nabubuhay, malaki't maliit.

**Activity** Balikan ang tula at isulat sa space ang mga salitang nawawala.

Kaydami ng Iyong \_\_\_\_\_, Panginoon!  
Sa iyong \_\_\_\_\_ ay ginawa Mo  
ang lahat.

Ang \_\_\_\_\_ ay puno ng mga  
\_\_\_\_\_ Mo.

Nariyan ang \_\_\_\_\_, maluwang at malawak  
Punong-puno ng mga \_\_\_\_\_  
hindi mabibilang.

Mga \_\_\_\_\_ na \_\_\_\_\_  
malaki't maliit.

**Homework:** Isaulo ang memory verse upang sa susunod na pagkikita.

Lamang gawin ninyo ang lahat ng bagay na may kaayusan at sa angkop na paraan. 1 Corinto 14:40

## Aralin 18 Ang Kalikasan ay Nilikha ng Diyos

### Ang Nilikha ng Diyos

Noong pasimula, ang mundo ay walang laman at walang anyo. Ibinukod ng Diyos ang dilim sa liwanag. Ihiniwalay Niya ang tubig sa ibaba ng langit upang lumitaw ang tuyong lupa. Ito ang karagatan at ang lupa.

Sinabi ng Diyos, ang lupa ay sibulan ng mga halamang nagbubunga ng butil at mga punongkahoy na may buto ang kanyang bunga ayon sa kanya-kanyang uri. Ito ay naganap noong ikatlong araw.



Sa ikalimang araw ay nilikha ng Diyos ang mga ibong lumilipad sa himpapawid at lahat ng uri ng malalaki at maliit na isda at mga hayop na nabubuhay sa dagat.

Matapos ang bawat araw ng paglikha, nakita ng Diyos na ito ay mabuti. Ang lahat ng Kanyang nilikha ay nagbigay kasiyahan sa Kanya.

**Activity** Ilagay ang tamang letra sa loob ng kahon upang mabuo ang pangungusap.

1. Noong pasimula ang mundo ay walang   
at
2. Ibinukod ng Diyos ang liwanag sa
3. Pinalitaw ng Diyos ang tuyong
4. Nilikha ng Diyos ang mga  at mga  nang ikalimang araw.
5. Ang lahat ng nilikha ng Diyos ay


**Homework:** Ano-ano ang mga nilikha ng Diyos? Gumupit ng mga larawan na nagpapakita ng Kanyang mga nilikha. Idikit sa isang bond paper.

## Aralin 3 Ang Diyos ang Ating Gabay

### Si Abraham

Kinausap ng Diyos si Abram nang siya ay naninirahan pa sa bayan ng Ur. Ang sabi ng Diyos sa kanya:

*"Iwan mo ang iyong lupain at mga kamag-anakan; pumunta ka sa lupaing ituturo Ko sa iyo."*



Sumunod si Abram sa utos ng Diyos. Umalis siya, kasama ang kanyang buong sambahayan, sa bayan ng mga Caldeo at nanirahan sa bayan ng Haran. Kinausap siya muli ng Panginoon at sinabi sa kanyang siya ay magiging ama ng maraming nasyon. At

siya ay tatawaging "Abraham." Ang asawa niyang si Sarai ay tatawaging "Sara." At sila ay bibigyan din ng Diyos ng sarili nilang anak at tatawagin nila itong Isaac.

**Activity** Salungguhitan ang tamang sagot.

1. Si Abraham ay kinausap ng \_\_\_\_\_.  
Teacher                  Diyos
2. Si Abraham ay nagmula sa bayan ng \_\_\_\_\_.  
Ur                                  Pilipinas
3. Si Abraham ay nanirahan sa bayan ng \_\_\_\_\_.  
Saudi                                  Haran
4. Si Abraham ay \_\_\_\_\_ sa sinabi ng Diyos.  
lumakad at namasyal                  nakinig at sumunod


**Homework:** (Magpatulong sa magulang)  
May nagbigay na ba sa iyo ng direksyon? Sinunod mo ba ito? Ano ang nangyari?

## Aralin 4 Ang Diyos ang Ating Tagapangalaga

### Si Joseph

Si Joseph ay paboritong anak ni Jacob. Dahil dito ay kinainggitan siya ng kanyang mga kapatid.

Kaya isang araw....



Si Joseph ay ipinagbili nga nila bilang isang alipin sa mga Ismaelita. Ipinagbili naman siya ng mga Ismaelita kay Potiphar na pinuno ng mga guwardya ng hari ng Egypt. Bagamat maraming pagsubok na hinarap at pinagdaanan si Joseph, hindi siya napahamak kailanman. Ang Diyos ang patuloy na nangalaga at gumabay sa kanya at naging matagumpay si Joseph sa lahat ng kanyang gawain.

Pinagpala ng Diyos si Joseph at sa kahuli-hulihan ay naging kanang kamay siya ng hari ng Egypt.

**Activity** Bilugan ang letra ng tamang sagot.

1. Si Joseph ay paboritong anak ni \_\_\_\_\_.  
a. Isaac                      b. Abraham                      c. Jacob
2. Si Joseph ay ipinagbili ng kanyang mga kapatid sa mga  
a. Ismaelita                      b. Israelita                      c. Americano
3. Si Joseph ay naging kanang kamay ng \_\_\_\_\_.  
a. Hari ng Egypt                      b. Hari ng Saudi                      c. Hari ng Iran
4. Si Joseph ay inalagaan ng \_\_\_\_\_.  
a. tatay                      b. kuya                      c. Diyos

**Homework:** (Magpatulong sa magulang)

Sino ang tagapangalaga mo sa inyong tahanan? At ano ang ginagawa niya para ipakita sa iyo na ikaw ay inaalagaan niya.

## Aralin 17 Kapwa Ko, Mahal Ko

### Ang Mabuting Samaritano

Habang nagtuturo si Jesus, may isang lalaki na nagtanong sa Kanya



Sumagot si Jesus sa pamamagitan ng isang kuwento.

May mga tulisan na humarang sa isang tao at siya ay binugbog. Hinubaran siya at iniwang halos patay na. Nakita siya ng isang saserdote pero ito ay lumihis ng daan. Dumaan din ang isang Levita pero tinignan lang siya at umalis din. May isang samaritano na nakakita sa taong nabugbog. Binuhat niya ang tao at dinala sa isang bahay. Inalagaan niya ang taong nabugbog at ipinagbilin ito sa namamahala ng bahay.

Sino sa kanila ang nagpakita ng pakikipag-kapwa sa taong nabugbog? tanong ni Jesus. "Yaong nagpakita ng pagkahabag sa kanya," tugon ng lalaki. Ganoon din ang iyong gawin, sabi ni Jesus sa kanya.

**Activity** Bilugan ang letra ng tamang sagot.

1. Sino ang humarang sa tao ayon sa kuwento?  
a. aso                      b. sundalo                      c. tulisan
2. Sino ang gumawa ng kabutihan sa taong nabugbog?  
a. Levita                      b. Samaritano                      c. Saserdote
3. Sino ang ating kapwa?  
a. Mga tao na hindi kailangan ng tulong  
b. Mga tao na nangangailangan ng tulong

**Homework** (Magpatulong sa magulang)

Gumupit ng limang larawan na nagpapakita ng pagtulong sa kapwa.

## Aralin 16 Ang Iglesia

### Ang mga Matanda sa Iglesia

Ang mga matatanda na mahusay sa pamamahala ng simbahan ay karapat-dapat na tumanggap ng karangalan at respeto mula sa mga miyembro, lalung-lalo na iyong mga nangangaral at nagtuturo.

Sinabi sa Bible na sundin ninyo ang mga nangangasiwa sa inyo at pasakop kayo sa kanilang pamamahala upang maging kagalakan at hindi pabigat ang paglilingkod na ginagawa nila.

Kaya makakabuti sa mga bata kung sila ay makikinig at susunod sa kanilang mga pastor o sa mga nangunguna sa loob ng simbahan. Ang Diyos ang naglagay sa kanila doon.

**Activity** Iguhit ang 😊 mukha sa patlang kung tama ang pangungusap at ☹️ na mukha kung ito ay mali.

- \_\_\_\_\_ 1. Dapat igalang ng miyembro ang mga matatanda na mahusay mamahala sa simbahan.
- \_\_\_\_\_ 2. Huwag sumunod sa mga taga-pamahala ng simbahan.
- \_\_\_\_\_ 3. Makinig at sumunod sa mga pastor o nangunguna sa loob ng simbahan.

### Homework (Magpatulong sa magulang)

Hanapin at bilugan ang mga sumusunod na salita:

Masunurin / Pasakop / Matanda / Bata

U	X	M	M	A	T	A	N	D	A
N	A	C	B	W	U	G	L	H	X
P	A	S	A	K	O	P	K	M	C
L	A	B	T	Q	I	R	U	B	R
K	G	Y	A	E	I	N	J	X	E
M	K	J	I	D	Y	B	I	S	W
P	M	A	S	U	N	U	R	I	N

## Aralin 5 Ang Diyos ang Ating Kapayapaan

### Si Moses at ang Sampung Utos

Si Moses at ang mga Israelita ay patuloy na naglakbay sa desyerto mula nang makalaya sila sa pagkaalipin sa bayan ng Egypt.

Sila ay nakarating sa paanan ng Bundok ng Sinai. Umakyat si Moses sa bundok at doon ay ibinigay sa kanya ng Diyos ang sampung utos. Ito ang Sampung Utos ng Diyos:

1. Huwag magkakaroon ng ibang Diyos maliban sa Akin.
2. Huwag kayong maglilingkod o yuyuko sa alinmang diyus-diyosan.
3. Huwag ninyong babangitin ang pangalan ng Diyos nang walang kabuluhan.
4. Italaga ninyo ang Araw ng Pamamahinga.
5. Igalang ninyo ang inyong ama at ina.
6. Huwag kayong papatay.
7. Huwag kayong mangangalunya.
8. Huwag kayong magnanakaw.
9. Huwag kayong sasaksi sa di katotohanan laban sa inyong kapwa.
10. Huwag ninyong pag-iimbutan ang sambahayan ng inyong kapwa: ang kanyang asawa, mga alila, o kanyang mga pag-aari.

Ibinigay ng Diyos sa mga Israelita ang mga utos na ito upang sila ay makapamuhay ng may kapayapaan.

**Activity** Bilugan ang letra ng tamang sagot.

1. Ibinigay ng Diyos ang 10 utos kay \_\_\_\_\_.  
a. Moses                      b. Abraham                      c. Noah
2. Huwag magkakaroon ng ibang \_\_\_\_\_ maliban sa Akin.  
a. magulang                      b. Diyos                      c. kaibigan
3. Igalang ninyo ang inyong \_\_\_\_\_ at \_\_\_\_\_.  
a. ama—ina                      b. ate—kuya                      c. lolo—lola

### Homework: (Magpatulong sa magulang.)


Sa isang malinis na papel, maglista ng apat na patakaran sa inyong tahanan.

## Aralin 6 Ang Diyos ang Ating Kalakasan

### Si David

May isang kawal ang mga Filisteo na ang pangalan ay Goliath, isang higante, na minamaliit ang army ng Diyos, ang mga Israelita. Palaging hinahamon ng higante ang mga kawal ng Israel na tumaban sa kanya ngunit walang naglalakas loob dahil sila ay natatakot.

Isang araw, si David ay inutusan ng tatay niya upang dalhan ng pagkain ang mga kapatid niyang kasama sa kawal ng Israel. Pagdating niya sa kinaroroonan ng kanyang mga kapatid, narinig niyang nanghahamon si Goliath,



"Pumili kayo ng taong lalaban sa akin!" Si David na di gaanong kalakasan at kalakihan ay tinanggap ang hamon na ito ni Goliath. Bagamat natatakot ang mga kawal ng Israel sa ginawa ni David, pinakita niya na ang tapang at kalakasan na mayroon siya ay mula sa Diyos. Nilabanan nga ni David ang higante at napatumba niya ito sa pamamagitan lamang ng tirador. Nang matumba ang higante, ito ay pinugutan niya ng ulo.

**Activity** Gumuhit ng star sa tabi ng tamang sagot.

1. Sino ang dalawang lahi na magkalaban sa ating kwento?  
Israelita at Filisteo      Americano at Filipino
2. Sino ang pumatay kay Goliath?  
pulis      doktor      David
3. Sino ang nagbigay ng kalakasan kay David?  
vitamins      Diyos      Haring Saul
4. Pinatay ni David si Goliath sa pamamagitan ng  
baril      tirador      pana

**Homework:** (Magpatulong sa magulang.)

Sa anong mga bagay o gawain mo ginagamit ang iyong pisikal na kalakasan.

## Aralin 15 Ang Mga Magulang

### Ang Utos ng Diyos

Mga anak, sundin ninyo ang inyong magulang alang-alang sa Panginoon sapagkat ito ang nararapat.

Igalang ninyo ang inyong ama at ina. Ito ang unang utos na may kalakip na pangako. Ikaw ay giginhawa at matatamasa mo ang mahabang buhay dito sa lupa.

Sinabi din sa Bibliya na ang mga bata ay dapat sumunod sa kanilang mga magulang sa lahat ng bagay sapagkat ito ay nakalulugod sa Diyos.

Ang pagsunod sa utos ng Diyos ay tama dahil ito ang kalooban Niya para sa atin.

Anak, niligpit mo na ba ang mga laruan mo?

Opo, Nay!



**Activity** Isulat sa space ang letrang "T" kung **Tama** ang pangungusap at "M" kung **Mali** ang pangungusap.

- \_\_\_\_\_ 1. Igalang ang iyong ama at ina.
- \_\_\_\_\_ 2. Ang mga bata ay dapat sumunod sa mga magulang.
- \_\_\_\_\_ 3. Magdabog pag tayo ay inutusan.
- \_\_\_\_\_ 4. Huwag pansinin ang mga teacher pag may pinapagawang homework.
- \_\_\_\_\_ 5. Ang pagmamano ay tanda ng paggalang.

**Homework** (Magpatulong sa magulang)

Gumupit ng larawan na nagpapakita ng paggalang sa magulang o iba pang nakatatanda.

## Aralin 14 Ang Matuwid na Tao

### Sumunod sa Kalooban ng Diyos

Sa Bibliya, may mababasa natin ang mga kuwento ng mga tao na sumunod sa Diyos. Si Noah ay sumunod sa kalooban ng Diyos nang sabihin sa kanya ng Diyos na siya ay gumawa ng malaking arko kung saan maliligtas ang kanyang buong pamilya mula sa malaking baha. Si Abraham ay sumunod sa kalooban ng Diyos nang utusan siya ng Diyos na iwanan niya ang kanyang bayan, upang magtungo at manirahan sa lupang ipapakita sa kanya ng Panginoon. Si Moses ay sumunod sa kalooban ng Diyos nang utusan siya ng Diyos na pangunahan ang mga Israelita upang makalaya mula sa pagkaalipin sa Egypt. Lahat sila ay nagtiwala sa sinabi ng Diyos at pagkatapos ay sumunod sila sa sinabi Niya.



Ang tao na nagtitiwal sa salita ng Diyos ay matuwid sa harap Niya.

Higit sa lahat, ang Panginoong Jesus ay sumunod din sa kalooban ng Diyos. Inalay Niya ang Kanyang buhay upang ang sinumang magtiwala sa Kanya ay magkaroon ng buhay na walang hanggan.

**Activity** Lagyan ng linya patungo sa tamang sagot.

1. Inutusan siya ng Diyos upang iwanan ang kanyang bayan.
2. Siya ay nanguna sa bayan ng Diyos upang makalaya sa pagkaalipin.
3. Ipinagkaloob Niya ang Kanyang buhay para sa ating kaligtasan

Moses

Abraham

Jesus


**Homework:** (Magpatulong sa magulang.)  
Sumulat ng limang kalooban ng Diyos na dapat mong gawin.

Halimbawa: Sumunod sa magulang.

## Aralin 7 Ang Diyos ang Ating Kaibigan

### Si Jesus

Si Jesus ay tunay na kaibigan. Itinuring Niyang mga kaibigan ang kanyang mga disipulo. Noong Siya ay namuhay kasa-kasama nila, laging nagtuturo si Jesus ng mga mahalagang bagay sa Kanyang mga alagad katulad ng tamang pakikitungo sa kapwa, paano mamuhay ng ayon sa kalooban ng Diyos at kung paano manalangin.



Si Jesus ay ating kaibigan. Inialay Niya ang Kanyang buhay para sa kapatawaran ng ating mga kasalanan. Sinabi pa Niya na, *Ako ang daan, katotohanan at ang buhay. Walang makakaparoon sa Aking Ama kundi sa pamamagitan Ko.* Pagtiwalaan natin ang Kanyang salita. Patuloy nating mararanasan ang Kanyang pag-ibig sa pamamagitan ng pag-aaral ng Kanyang salita. Ang Kanyang salita ang magtuturo sa atin kung paano tayo makakapamuhay ng tama. Ayaw Niya tayong mapahamak.

**Activity** Piliin ang sagot sa box at isulat sa patlang.

Salita kaaway kaibigan pinsan angel buhay

1. Si Jesus ay ating \_\_\_\_\_
2. Inialay ni Jesus ang kanyang \_\_\_\_\_
3. Ang Kanyang \_\_\_\_\_ ang magtuturo sa atin kung paano tayo makapamuhay ng tama.

**Homework:** (Magpatulong sa magulang.)  
Magbigay ng isang pagkakataon na ikaw ay may ginawang mabuting bagay para sa iyong kaibigan. Ikuwento mo ang pangyayari sa ilang pangungusap.

## Aralin 8 Ang Tao ay Nilikha ng Diyos

### Si Job

Si Job ay isang tao na tunay na nagmamahal sa Diyos subalit dumanas siya ng maraming pagsubok sa kanyang buhay. Sa kanyang pag-iisip, siya ay nagtaka at naitanong sa kanyang sarili kung bakit masyadong pinagkaka-abalahan ng Diyos ang tao.



Ang kasagutan dito ay makikita din natin sa bibliya. Ang tao ay nilikhang kalarawan ng Diyos. Maingat at kahanga-hanga ang pagkalikha ng Diyos

sa tao. Ibig sabihin, ang tao ay may talino, damdamin at may kakayahang magpasiya.

**Activity** Isulat ang letra ng tamang sagot sa patlang:

1. Si Job ay \_\_\_\_\_.  
a. isang taong masaya  
b. isang taong dumanas ng maraming pagsubok
2. Ang tao ay nilikhang kalarawan ng \_\_\_\_\_.  
a. Diyos  
b. unggoy
3. Maingat at kahanga-hanga ang pagkalikha ng Diyos sa tao.  
a. mali  
b. tama
4. Ang tao ay may \_\_\_\_\_.  
a. talino  
b. walang damdamin

**Homework:** (Magpatulong sa magulang.)

Mag-drawing ng isang bahay. Lagyan ito ng mga bintana. Gumupit ng mukha mula sa mga litrato ng mga kasama mo sa bahay. Idikit ang isang mukha sa bawat bintana. Kung ilan ang kasama mo sa bahay, ganoon din ang dami ng bintana na ilalagay mo sa bahay na iyong iginuhit. Tayong lahat ay nilikha ng Diyos.

## Aralin 13 Ang Mabuting Tao

### Bunga ng Pagsuway at Pagsunod



Sina Adan at Eba ay hindi sumunod sa utos ng Diyos. Ang kanilang pagsuway ay hindi nagbigay kasiyahan sa Diyos.

Nagalit ang Diyos sa kanila kaya sila ay pinalayas sa Hardin ng Eden. Naging mahirap para kay Adan ang pagsasaka at pagtatrabaho sa lupa. Si

Eba naman ay nahirapan din sa at panganganak.

Kaiba naman si Noah kina Eba at Adan. Si Noah ay nagbigay kasiyahan sa Diyos dahil siya ay nagtiwala at sumunod sa sinabi ng Diyos. Ginawa niya ang malaking arko na ipinagawa sa kanya ng Diyos. Siya at ang kanyang pamilya ay naligtas sa malaking baha.

**Activity** Bilugan ang letra ng tamang sagot:

1. Ano ang nangyari kina Adan at Eba nang sila ay sumuway sa utos ng Diyos?  
a. Pinagpala sila  
b. Pinarusahan sila.
2. Paano nagbigay kasiyahan si Noah sa Diyos?  
a. Dahil siya ay sumunod at nagtiwala sa Diyos.  
b. Dahil siya ay sumuway at walang tiwala sa Diyos.
3. Kailan masasabi na ang tao ay mabuti?  
a. Sa tuwing siya ay sumusunod sa Diyos sapagkat ito ay nagbibigay kasiyahan sa Diyos.  
b. Sa tuwing siya ay sumusuway sa Diyos.

**Homework:** (Magpatulong sa magulang.)

Isulat ang P kung tama ang pangungusap at X kung mali.

- \_\_\_\_\_ 1. Nagalit ang Diyos kay Noah.
- \_\_\_\_\_ 2. Si Noah ay masunurin at may tiwala sa Diyos.
- \_\_\_\_\_ 3. Mabuti ang sumunod sa utos ng Diyos.
- \_\_\_\_\_ 4. Ang pagsuway ay nagbibigay kasiyahan sa Diyos.



## Aralin 12 Ang Tao na may Pananalig sa Diyos

### Sina Cain at Abel

Sina Adan at si Eba ay nagkaroon ng mga anak, sina Cain at Abel. Si Cain ay isang magsasaka at si Abel ay isang pastol. Isang araw, silang dalawa ay nagbigay ng handog sa Diyos.

Nasiyahan at tinanggap ng Diyos ang handog ni Abel mula sa matataba niyang tupa. Ang handog ni Cain na nanggaling sa kanyang mga ani ay hindi tinanggap ng Diyos.



Si Abel ay naghandog mula sa pusong may pagtitiwala sa Diyos. Si Cain ay walang tiwala sa salita ng Panginoon. Ang Diyos ay nakatingin sa puso natin at hindi sa kung ano ang ihinandog natin. Nagalit si Cain dahil hindi tinanggap ng Diyos ang kanyang handog. Dahil sa kanyang galit, pinatay ni Cain si Abel.

**Activity** Isulat ang T kung tama ang pangungusap at M naman kung mali.

- \_\_\_\_\_ 1. Si Abel ay isang magsasaka.
- \_\_\_\_\_ 2. Si Abel at Cain ay magkapatid.
- \_\_\_\_\_ 3. Tinanggap ng Diyos ang handog ni Abel.
- \_\_\_\_\_ 4. Nakatingin ang Diyos sa puso ng taong naghahandog.
- \_\_\_\_\_ 5. Walang namatay sa magkapatid.

**Homework:** (Magpatulong sa magulang.)

Ang paggawa ng mabuti sa ibang tao ay tamang gawin. Mag-bigay ng tatlong paraan kung paano mo maipapakita ang iyong kabutihan sa ibang tao.

## Aralin 9 Ang Tao ay Nahulog sa Kasalanan

### Si Adan, Eba at ang Ahas

Inilagay ng Diyos si Adan sa hardin at sinabing, *Maaari mong kainin ang alinmang bunga sa halamanan, huwag lang ang bunga ng punongkahoy ng pagkaalam ng mabuti at masama. Ikaw ay mamamatay pag kinain mo iyon.* Isang araw, habang nasa hardin si Eba at nilapitan siya ng ahas:

**Ahas:** Totoo bang sinabi ng Diyos na hindi kayo dapat kumain ng prutas mula sa kahit anumang puno sa hardin?

**Eba:** Puwede kaming kumain ng bunga ng kahit na anong punongkahoy, huwag lang yung bunga ng puno na nasa gitna ng hardin. At hindi namin ito maaring hawakan, kapag ginawa namin iyon kami ay mamamatay.

**Ahas:** Hindi kayo mamamatay. Kapag kumain kayo ng bunga na yan, kayo ay magiging katulad ng Diyos at malalaman ninyo ang masama at mabuti.

Pumitas si Eba at kumain. Binigyan niya si Adan at kumain din ito. Pagkatapos kumain ni Adan ng bunga, nakita nila na sila ay parehong hubad. Nagtakip sila ng mga dahon. Sila ay nagtago nang marinig nila ang yabag ng Diyos sa hardin. Dahil hindi sila sumunod sa utos ng Diyos, sina Adan at Eba ay pinalayas ng Diyos sa hardin nang araw ding iyon. Nahawalay sila sa Diyos. Namatay din sina Adan at Eba paglipas ng mahabang panahon.

**Activity** Isulat sa space ang letrang T kung tama ang pangungusap at M kung mali ang pangungusap.

- \_\_\_\_\_ 1. Maaaring kainin ang kahit na anong bunga sa mga puno sa hardin maliban sa bunga ng pagkaalam ng mabuti at masama.
- \_\_\_\_\_ 2. Sinunod ni Eba ang utos ng Diyos.
- \_\_\_\_\_ 3. Namatay sina Adan at Eba.
- \_\_\_\_\_ 4. Totoo lahat ang sinabi ng Diyos.

**Homework:** (Magpatulong sa magulang.)

Magkuwento ng isang pagkakataon na may nagawa kang pagkakamali. Natakot ka ba sa iyong magulang? Ano ang iyong ginawa? Ikwento ito sa susunod na klase.

## Aralin 10 Ang Tao ay Tinawag ng Diyos

### Mga Tinawag ng Diyos



Ang taong nilikha ng Diyos ay may layunin sa buhay. Mula noon lagi ng tinatawag ng Diyos ang tao. Tinawag niya si Noah upang gumawa ng malaking arko para sila ay maligtas sa malaking baha.

Tinawag ng Diyos si Abraham upang siya ay magsimula ng isang bayan. Tinawag ng Diyos si Moses upang iligtas niya ang kanyang mga kababayan sa pagiging alipin sa bayan ng Ehipto.

Tinawag ng Diyos si David upang maghari sa bayan ng Diyos. At pagkatapos naman ay ipinadala ng Diyos ang Kanyang Anak na si Jesus upang iligtas ang mga tao sa kanilang kasalanan.

Silang lahat ay sumunod sa Diyos.

**Activity** Isulat sa space ang "T" kung tama ang sinasabi sa pangungusap at "M" kung ito ay mali.

- \_\_\_\_\_ 1. Tinawag ng Diyos si Noah sa hardin.
- \_\_\_\_\_ 2. Tinawag ng Diyos si David upang gumawa ng arko.
- \_\_\_\_\_ 3. Tinawag ng Diyos si Moses upang iligtas ang kanyang mga kababayan sa pagiging alipin.
- \_\_\_\_\_ 4. Ipinadala ng Diyos si Jesus upang iligtas ang tao sa kanilang kasalanan.
- \_\_\_\_\_ 5. Tinawag ng Diyos si Abraham upang maghari sa bayan ng Diyos.

**Homework:** (Magpatulong sa magulang)

Maglista sa isang malinis na papel ng tatlong mabubuting gawa na maaari mong gawin.

## Aralin 11 Ang Tao ay may Kalayaan

### Ang Tao sa Hardin ng Eden

Inilagay ng Diyos ang tao sa Hardin ng Eden. Sinabi niya na pagyamanin niya ito. Binigyan ng Diyos ang tao ng kalayaan na alagaan ang Hardin. Ginawa ng Diyos ang



tao upang pamahalaan ang mga hayop sa lupa, dagat at mga ibon sa himpapawid.

Malaya niyang binigyan ng pangalan ang lahat ng hayop, malaki man o maliit. Sinabi rin ng Diyos kay Adan na malaya

siyang kumain ng prutas ng kahit na anong puno sa hardin. Huwag lang niyang kakainin ang bunga ng puno ng pagkaalam ng mabuti at masama. Sa oras na kainin niya ito, siguradong siya ay mamamatay.

Tunay na malaya ang tao na sundin at gawin ang layunin na ibinigay ng Diyos sa kanya.

**Activity** Bilugan ang letra ng tamang sagot:

1. Ano ang ibinigay ng Diyos sa tao ayon sa kuwento?  
a) kahirapan      b) kalayaan      c) kayamanan
2. Anong bunga ang hindi maaaring kainin ni Adan?  
a) bayabas      b) mansanas  
c) pagkaalam ng mabuti at masama
3. Ano ang mangyayari sa tao kapag kinain niya ang ipinagbabawal na bunga?  
a) mabubuhay      b) mamamatay      c) makakalipad

**Homework:** (Magpatulong sa magulang.)

Magbigay ng tatlong halimbawa ng mga bagay na malaya mong nagagawa sa inyong bahay?